



Broj: 06-09-1-4058-2/2024

Sarajevo, 08.11.2024. godine

SVIM TUŽILAŠTVIMA U BiH

N/r glavnih tužilaca

PREDMET: Podaci o predmetima u vezi sa oduzimanjem protivpravno stečene imovinske koristi za 2024. godinu, traže se.-

Veza: Dopis VSTV BiH broj: 06-09-11-3518-1/2024 od 03.10.2024. godine

Poštovani glavni tužioci,

Podsjećamo da je Visoko sudsko i tužilačko vijeće Bosne i Hercegovine (u daljnjem tekstu: „VSTV BiH“), na sjednici održanoj 16. i 17.10.2024. godine, usvojilo **izmijenjeni Obrazac „Evidencija za predmete u vezi sa oduzimanjem protivpravno stečene imovinske koristi“**, kao i **Uputstvo za popunjavanje evidencije Obrasca „Evidencija za predmete u vezi sa oduzimanjem protivpravno stečene imovinske koristi“**, a koje dokumente dostavljamo svim tužilaštvima u prilogu ovog dopisa (dokumenti su dostupni i na internet adresi: <https://vstv.pravosudje.ba/vstvfo/B/141/article/134918>).

Napominjemo da su navedeni dokumenti usklađeni sa **Smjernicama za glavne tužioce Tužilaštva BiH, Republičkog javnog tužilaštva RS, Federalnog tužilaštva FBiH i Tužilaštva BD BiH za donošenje općeg obavezujućeg uputstva o uspostavljanju internog mehanizma koordinacije u tužilaštvima u vezi sa oduzimanjem imovinske koristi pribavljene krivičnim djelom broj: 06-09-11-3518-2/2024 od 25.09.2024. godine** (u daljnjem tekstu: „Smjernice“), koje je VSTV BiH usvojio na sjednici održanoj 25. i 26.09.2024. godine, i koje se počinju primjenjivati počev od 01.01.2025. godine, a o čemu su informisana sva tužilaštva Dopisom VSTV BiH broj i datum veze.

S tim u vezi, potrebno je da tužilaštva, **za 2024. godinu**, unesu tražene podatke u Obrazac „Evidencija za predmete u vezi sa oduzimanjem protivpravno stečene imovinske koristi“, u skladu sa Uputstvom za popunjavanje evidencije Obrasca „Evidencija za predmete u vezi sa oduzimanjem protivpravno stečene imovinske koristi“.

Popunjeni Obrazac potrebno je dostaviti VSTV-u BiH, **najkasnije do 03.02.2025. godine**, putem elektronske pošte na adresu: vstvpravosudnauprava@pravosudje.ba. U slučaju da u periodu izvještavanja nije bilo predmeta za koje se dostavljaju traženi podaci, potrebno je da tužilaštva o tome dostave informaciju VSTV-u BiH, na navedenu adresu elektronske pošte u ostavljenom roku.

Dodatno, napominje se da će VSTV BiH organizovati **on-line sastanak dana 02.12.2024. godine, u terminu od 11:00 do 12:00 sati**, kako bi se osigurala dosljedna primjena Smjernica, odnosno opštih obavezujućih uputstava glavnih tužilaca o uspostavljanju internog mehanizma koordinacije u tužilaštvima, počevši od adekvatne pripreme tačnih i potpunih informacija za godišnji izvještaj tužilaštava o oduzimanju imovinske koristi pribavljene krivičnim djelom za 2024. godinu. S tim u vezi, potrebno je da glavni tužioci osiguraju da tužilac koji je, u skladu sa članom 3. tačke 2) Smjernica, imenovan da vrši funkciju kontakt tačke i šef pisarnice, odnosno drugo lice koje će obavljati zadatke iz člana 3. tačke 2) Smjernica, planiraju svoje prisustvo na navedenom sastanku. VSTV BiH će svim tužilaštvima uskoro dostaviti poziv za sastanak (uključujući i webex pozivnice za imenovane kontakt osobe) i dnevni red.

Za sva eventualna dodatna pitanja, možete nam se obratiti putem e-mail adrese: vstvpravosudnauprava@pravosudje.ba ili na telefon 033 707 538.

S poštovanjem,



Dostaviti:

- Naslovu,
- Svim tužilaštvima u Bosni i Hercegovini,
- Imenovanim „kontakt osobama“ u tužilaštvima,
- Odjelu za informacijsko komunikacione tehnologije Sekretarijata VSTV BiH,
- Odjel za unaprjeđenje efikasnosti i kvaliteta rada u tužilaštvima,
- a/a.

Prilozi:

- *Obrazac „Evidencija za predmete u vezi sa oduzimanjem protivpravno stečene imovinske koristi“;*
- *Uputstvo za popunjavanje evidencije Obrasca „Evidencija za predmete u vezi sa oduzimanjem protivpravno stečene imovinske koristi“.*